

AKHBAR : HARIAN METRO

MUKA SURAT : 6

RUANGAN : SETEMPAT



HKL nafi tuduhan pemilik akaun FB

Kuala Lumpur: Hospital Kuala Lumpur (HKL) menafikan tuduhan pemilik akaun laman sosial Facebook (FB) menggunakan nama Niki Abdul Kadir mengenai unsur kecuaian terhadap pesakit kanak-kanak lima tahun melecur yang menjadi tular di Facebook (FB) pada 21 Oktober lalu.

Berita dimuat naik di laman media sosial itu jelas mencemarkan imej HKL sebagai pusat rawatan yang merawat pesakit melecur di hospital berkenaan.

Menurut Pengarah HKL Datuk Dr Zaininah Mohd Zain, HKL memberikan rawatan sewajarnya kepada pesakit terbabit.

"Pesakit kanak-kanak yang berusia lima tahun yang melecur sepuluh peratus diberikan rawatan segera apabila dirujuk dari Hospital Islam Az Zahrah

(HIAZ) di sini.

"Kanak-kanak terbabit diberikan rawatan sewajarnya iaitu cucian luka di wad mengikut rutin yang telah ditetapkan pakar yang merawat mangsa," katanya dalam satu kenyataan.

Dr Zaininah berkata, pesakit diberikan ubat yang tahan sakit secara berkala dan juga rawatan susulan.

"Adalah mustahil untuk pesakit tidak berasa sakit dan trauma akibat lecuran tersebut, namun dengan pemberian ubat tahan sakit, ia mampu mengurangkan kesakitan."

"Pakar perubatan yang merawat juga menetapkan satu tarikh untuk pesakit menjalani rawatan susulan iaitu *Superficial Skin Grafting*, namun waris pesakit memilih untuk discaj bagi mendapatkan rawatan di hospital lain," katanya.

AKHBAR : HARIAN METRO**MUKA SURAT : 13****RUANGAN : SETEMPAT****Kuala Lumpur**

Cuaca panas hingga hujung bulan

Cuaca panas terik melebihi 33 darjah Celsius yang melanda beberapa kawasan di Semenanjung termasuk bandar raya ini dijangka berterusan hingga hujung bulan ini.

Sehubungan itu, orang ramai perlu mengambil langkah berjaga ketika mengadakan aktiviti luar.

Ketua Pengarah Jabatan Meteorologi Malaysia (MetMalaysia) Alwi Bahari berkata, setakat beberapa minggu ini suhu cuaca yang dicatatkan tertinggi di negara ini adalah 36 darjah Celsius.

Beliau berkata, cuaca panas terik itu berikutnya tempias Taufan Lan yang melanda timur Filipina beberapa minggu lalu.

“Kesan sampingan daripada Taufan Lan itu menyebabkan liputan awan yang kurang di beberapa kawasan, sekali gus menyebabkan peningkatan suhu.

“Cuaca panas terik akan berlanjut hingga hujung bulan ini, orang ramai diingatkan supaya

sentiasa mengambil langkah berjaga-jaga bagi mengelak kejadian tidak diingini berlaku,” katanya ketika dihubungi, di sini, semalam.

Selain itu, beliau berkata, orang ramai tidak perlu bimbang kerana cuaca berkenaan tidak akan berlaku dalam tempoh lama dan pihaknya sentiasa akan memaklumkan jika berlaku perubahan iklim.

Sementara itu, Ketua Pengarah Kesihatan Datuk Dr Noor Hisham Abdullah dalam Facebooknya semalam menasihati orang ramai supaya mengambil langkah sewajarnya bagi mengelak terkena strok haba.

“Orang ramai dinasihatkan mengurangkan aktiviti luar dan minum banyak air ketika cuaca panas terik selain peka terhadap amaran yang dikeluarkan pihak berkaitan,” katanya.

AKHBAR : UTUSAN MALAYSIA
MUKA SURAT : 32
RUANGAN : DALAM NEGERI

Pastikan ambil air mencukupi

PUTRAJAYA 23 Okt. - Orang ramai dinasihatkan mengambil langkah berjaga-jaga dengan memastikan kadar pengambilan air yang mencukupi bagi mengelakkan kejadian dehidrasi terutama ketika cuaca panas dan kering ketika ini.

Ketua Pengarah Kesihatan, Datuk Dr. Noor Hisham Abdullah berkata, ini lebih-lebih kepada mereka yang terlibat dengan aktiviti sukan.

Orang awam jelaskan, dinasihatkan berjaga-jaga dengan tanda-tanda strok haba seperti sakit kepala, lidah bengkak, tidak berpeluh, lesu, hilang fokus dan pengsan.

"Sekiranya keadaan ini berlaku, orang awam hendaklah segera mendapatkan rawatan," katanya dalam satu kenyataan di sini hari ini.

Menurut Jabatan Meteorologi, fenomena cuaca panas itu berlaku disebabkan oleh taufan Lan yang kini berada di selatan Jepun sedang bergerak ke utara dan mula menjauhi negara ini.



NOOR HISHAM

Keadaan itu menyebabkan wap air di ruang udara negara ini tertumpu ke kawasan taufan berkenaan lantas menyebabkan pertambahan suhu.

Kata Noor Hisham, berdasarkan definisi Jabatan Meteorologi, suhu normal maksimum harian adalah antara 28.6 ke 35 darjah Celsius dan ketika ini, suhu maksimum Semenanjung Malaysia tidak mencapai 35 darjah Celsius.

Namun begitu, katanya, orang ramai diingatkan supaya bersiap sedia dan mengambil tinjakan sewajarnya bagi menghadapi situasi sekiranya cuaca semakin bertambah panas dan berterusan.

"Nasihat Kementerian Kesihatan bagi situasi ini boleh diperoleh daripada laman web kementerian.

"Kementerian juga sentiasa memantau situasi cuaca di Malaysia melalui laman web Jabatan Meteorologi di <http://www.met.gov.my>," katanya.

APA ITU STROK HABA?

1 Strok haba terjadi apabila sistem tubuh badan manusia **tidak dapat mengawal secara normal**.

2 Suhu badan mereka yang mengalami strok haba mampu mencapai sehingga **41 darjah Celsius atau lebih dalam masa 10 hingga 15 minit**.

3 Boleh mengundang **maut dan hilang upaya kekal**.

Tanda - tanda awal strok haba

 Kerap sakit kepala	 Tekanan darah rendah
 Mudah hilang fokus	 Badan lesu dan kerap pengsan
 Lidah menjadi bengkak	 Badan tidak berpeluh
 Suhu badan melebihi 39°C	 Kulit kering dan kemerah-merahan
 Nadi berdenyut laju	

Sumber : Facebook Kementerian Kesihatan

AKHBAR : UTUSAN MALAYSIA
MUKA SURAT : 32
RUANGAN : DALAM NEGERI

Hospital Kuala Lumpur nafi tuduhan ejen insurans

KUALA LUMPUR 23 Okt. - Hospital Kuala Lumpur (HKL) menafikan dakwaan seorang ejen insurans terhadap pihaknya yang dikatakan memberi layanan kasar kepada pesakit kanak-kanak lebih teruk daripada binatang.

Pengarah HKL, Datul Dr. Zaininah Mohd. Zain berkata, dakwaan yang dimuat naik ke status laman sosial Facebook pada 21 Oktober itu langsung tidak berasas dan berniat jahat bagi menjatuhkan imej HKL.

Katanya, tuduhan itu dilakukan menerusi akaun Facebook bernama "Niki Abdul Kadir" yang didakwa memuat naik status mengenai seorang kanak-kanak lelaki beru-

sia 6 tahun melecur 75 peratus daripada badannya selepas terjatuh ke dalam periuk yang mengandungi air rebusan ketupat dan didakwa menerima layanan kasar ketika mendapatkan rawatan sepanjang 20 hari di HKL.

"Sebenarnya kanak-kanak yang dimaksudkan ejen insurans berkenaan adalah seorang kanak-kanak lelaki berusia 5 tahun yang melecur 10 peratus kerana terkena air rebusan ketupat dalam kejadian pada 21



ZAININAH

September lalu.

"Kanak-kanak terabit dibawa ke Hospital Az Zahrah sebelum di bawa ke HKL dan di berikan rawatan segera di bawah Unit Rawatan Kebakaran Institut Pediatrik di sini," katanya menerusi satu kenyataan media di sini hari ini.

Zaininah berkata, selain itu, kanak-kanak tersebut turut dirujuk kepada disiplin-disiplin yang lain mengikut prosedur yang ditetapkan kerana setiap luka melecur memerlukan pendekatan

secara holistik dan multidisiplin untuk mengoptimalkan rawatan.

Katanya, kanak-kanak itu di berikan rawatan sewajarnya iaitu cucian luka di wad mengikut rutin yang telah ditetapkan pakar yang merawat termasuk pembersihan luka yang dilakukan dengan kaedah pembiusan.

"Kita juga memberi ubat tahan sakit kepada pesakit secara ber skala selain memberi antibiotik bagi mengelakkan luka melecur yang dialami dijangkiti kuman dan pakar perubatan HKL juga turut menetapkan tarikh lain untuk pesakit menjalani *Superficial Skin Grafting*," katanya.

AKHBAR : UTUSAN MALAYSIA
MUKA SURAT : 32
RUANGAN : DALAM NEGERI

Gelombang haba: Elak aktiviti luar semasa musim panas

PUTRAJAYA 23 Okt. - Semua Jabatan Pendidikan Negeri, Pejabat Pendidikan Daerah (PPD), pengetua dan guru besar diminta mengambil langkah-langkah sewajarnya berikutan cuaca panas yang melanda beberapa negeri khususnya di sekitar Lembah Klang, kebelakangan ini.

Menurut surat siaran yang diedarkan oleh Kementerian Pendidikan, aspek kebajikan, kesihatan dan keselamatan murid perlu dititikberatkan kerana gelombang haba boleh memudaratkan kesihatan.

"Pihak sekolah perlu mematuhi langkah-langkah yang perlu diambil dengan memantau aktiviti yang boleh mendedahkan murid kepada keadaan cuaca panas bagi memastikan kesihatan mereka tidak terjejas.

"Semua aktiviti luar bilik darjah di kawasan yang terlibat dengan cuaca panas dan kering ditangguhkan sehingga dimaklumkan keadaan telah pulih oleh JPN dan PPD masing-masing," menurut surat siaran yang diedarkan melalui Sektor Operasi Pendidikan itu.

Semalam, Ketua Pengarah Ke-

sihatan Datuk Noor Hisham Abdullah berkata, suhu panas yang mencecah sehingga 36 darjah Celsius akan memberi tekanan fizikal kepada tubuh badan dan kesihatan manusia.

Menurutnya, keadaan itu akan menyebabkan strok haba yang boleh membawa maut kerana cuaca panas dan kering bukan sahaja mendatangkan kesan negatif kepada ekosistem malah kesihatan manusia.

Tambah surat siaran itu lagi, bekalan air minuman bersih perlu mencukupi dan pihak sekolah perlu menggalakkan murid membawa air minuman dan membekalkan air kepada murid di asrama sekiranya kekurangan bekalan.

"Cuaca panas merupakan keragaman iklim yang berlaku secara tidak tetap dalam tempoh tertentu dan keadaan cuaca panas yang berlaku boleh mencetuskan gelombang haba," kata surat itu.

Keadaan tersebut boleh membawa mudarat kepada kesihatan seperti hipertermia atau strok haba dan dehidrasi sehingga boleh membawa maut.

AKHBAR : UTUSAN MALAYSIA
MUKA SURAT : 31
RUANGAN : UTUSAN KOTA

Restoran tutup 14 hari selepas video tikus tular

SEREMBAN 23 Okt. - Jabatan Kesihatan Negeri Sembilan mengarahkan sebuah restoran di Nilai Impian dekat Nilai di sini ditutup selama 14 hari bermula hari ini selepas rakaman video berhubung kehadiran tikus di ruang penyediaan makanan tular.

Arahan itu dibuat selepas jabatan berkenaan menerima aduan daripada orang awam selepas satu rakaman video haiwan itu berkeliaran di tempat makanan disiarkan di laman web, *Kosmo! Online*.

Rakaman berdurasi kira-kira 16 saat itu dihantar oleh seorang pembaca akhbar berkenaan semalam.

Pengarah Jabatan Kesihatan

negeri, Dr. Zainudin Mohd. Ali berkata, pihaknya bertindak menjalankan pemeriksaan di restoran terbabit pada pukul 11 pagi sejurus menerima aduan tersebut.

"Satu siasatan segera dibuat pagi ini, kami mendapati terdapat kesan infestasi tikus serta lipas.

"Pemeriksaan lanjut juga menunjukkan keadaan kesesuaian serta tahap kebersihan premis amat tidak memuaskan," katanya dalam satu kenyataan di sini hari ini.

Berikut itu, katanya, restoran berkenaan diarahkan tutup selama 14 hari bermula hari ini di bawah Akta Makanan

1988 serta dikenakan kompaun RM300.

Dalam perkembangan berkaitan, Dr. Zainudin memaklumkan, sebanyak 1,968 premis makanan diperiksa di Seremban sejak awal tahun ini sehingga kini.

Daripada jumlah itu, jelasnya, sebanyak 85 premis diarahkan tutup dalam tempoh maksimum 14 hari mengikut Akta Makanan 1988.

"Jabatan Kesihatan negeri sentiasa melakukan pemeriksaan premis makanan dari semasa ke semasa dan usaha ini turut mendapat kerjasama pihak berkuasa tempatan," ujarnya.